



須真天子經



百七十二
改五

48497



須真天子經卷下五

西晉三藏 竺法護

譯

無畏品第五

須真天子復問文殊師利菩薩何從造發道
意文殊師利答言天子菩薩從一切欲而起
道意天子復問文殊師利云何正作此語文
殊師利答言天子菩薩於愛欲中與欲從事
余乃成道不隨愛欲則菩薩何緣得起一切
道意天子復問文殊師利心從何所建立於
道文殊師利答言天子於諸佛法中建立道
意何以故天子道意本從諸佛法生天子復
問文殊師利一切佛法在何所起文殊師利



荅言天子一切佛法本無無所起何以故天子如虛空本無所從起虛空起一切佛法天子復問文殊師利一切佛法爲幾何乎可數知不文殊師利荅言天子如諸法等佛法亦尔所以者何如一切法如來從是最正覺故是故天子如諸法等佛法之數等亦如是天子復問云何文殊師利婁怒癡寧復是佛法耶文殊師利荅言尔天子婁怒癡是爲佛法何以故愛欲無覺以道之教授故也天子復問文殊師利將無一切皆當得佛耶文殊師利荅言天子一切皆當得佛審當作佛卿莫疑也所以者何天子一切當得如來覺故天

子復問文殊師利云何皆當得佛文殊師利
答言天子爲入寂然爲入空故天子復問文
殊師利寂之與空云何得覺文殊師利答言
天子若不得空何從得覺乎用空無侶無強無
弱故天子復問文殊師利如來曉空便得道
乎文殊師利答言今天子如所語空則是道
佛說解空則爲入道天子復問文殊師利如
空之行當云何行文殊師利答言天子無色
欲行是則空行於欲界行不爲情行亦不香
行亦不色行亦不無色行亦不身行亦不心行
何以故不行是行是亦空故天子復問文殊
師利如來爲不行是本空行耶文殊師利答

言天子如來之空亦如是空從無所有於我
亦亦如無所行則如來行天子復問文殊師
利如無所有當何所行文殊師利荅言天子
如無所有當行無所有不他餘行至於他餘
亦無所有如是行是亦無所有天子復問文
殊師利假無所有持何等來文殊師利荅言
天子至於婬欲而離於欲則名曰無所有於
婬欲中習無所有貪怒癡欲無欲不欲是故
名曰無所有也於欲不習名曰無所有以吾
我身而住空行名曰無所有習是無所有亦
無所有天子復問文殊師利何所習而無所
有文殊師利荅言天子習寂然則無所有是

空是閑是不生無所起寂然則無所有習天子復問文殊師利何所施作而名爲習文殊師利荅言天子無所壞敗是名曰習明諸所有而無沾汙是名曰習不可限度等如虛空是名曰習離於貢高常照明一切是名曰習亦不多亦不少是名曰習

天子復問文殊師利何所是不曉習者文殊師利荅言天子不知法習者是名不曉習天子復問文殊師利何所名曰曉於習者文殊師利荅言天子了知法習者是則曉習天子復問文殊師利意不妄信何所是其相文殊師利荅言天子諸無罣礙行是其相天子復

問文殊師利意不妄信菩薩云何報畢信施之恩文殊師利答言天子意不妄信者是名眼見了一切諸法不隨他人教有所信從也意不妄信者不復報信施之恩何以故從本已來悉清淨故天子復問文殊師利云何下鬚髮菩薩不肯入衆不隨其教是名何等當何所應文殊師利答言除鬚髮菩薩不肯入衆不隨教是名曰世之最厚也何以故天子所作無爲名曰衆僧菩薩不住無爲不止無爲是故名曰世最厚者天子復問文殊師利設使菩薩正住於無爲有何名耶文殊師利答言天子設使菩薩住於無爲無益一切便墮弟子

習爲滅度是其咎也天子復問文殊師利無
爲則八道地有爲則凡人地菩薩爲住凡人
地故爲世之最厚耶文殊師利答言天子不
也所以者何菩薩亦不住於無爲地亦不住
於有爲地是故名曰世之最厚何以故菩薩
與發行者會止於有爲不住無爲不造無爲
是故爲世作最厚住於有爲悉知可否處住
於無爲知諸慧處已知有爲可否便住其中
已知無爲慧不止其中天子譬如勇捍健男
子張弓建箭仰射虛空箭不住空亦不下墮
文殊師利語天子言是爲難不天子報言甚
難甚難文殊師利言菩薩所作又難於此所

以者何於有為中而不捨離便得無為不住於
無為於有為中養護一切

天子復問文殊師利菩薩之畏從有為致耶
從無為致乎文殊師利荅言天子菩薩畏懼
從兩緣致亦從有為亦從無為所以者何從
有為中畏於愛欲在無為中畏於無欲天子
復問文殊師利尚無愛欲云何復畏文殊師利
荅言天子於三界不近是則為畏不近於三界
為墮弟子地天子復問文殊師利云何菩薩
得無所畏文殊師利荅言天子菩薩於有為
中常行智慧之慧以善權慧不墮無為是為
菩薩得無所畏復次天子菩薩以一切故不

捨有爲以佛法故不墮無爲是爲菩薩從得
無畏復次天子菩薩所有福施因緣近於有
爲所有佛慧因緣不墮無爲是爲菩薩得無
所畏復次天子菩薩住於有爲爲以立禪住
於權慧爲從禪還是爲菩薩得無所畏復次
天子菩薩以道意住便起功德以大哀住廣護
一切是爲菩薩得無所畏復次天子菩薩於
空閑住覺知魔事以善權住降伏魔行是爲
菩薩得無所畏復次天子菩薩以大慈住普
而說法以大哀住爲行雜施是爲菩薩得無
所畏復次天子菩薩住於生死植涇涇本住
於涇涇植生死本是爲菩薩得無所畏復次

天子菩薩於不生中而爲已生於有爲中爲
以出生現所見法不於五陰及與六表有所
稱譽悉見知離而無所生寂然已寂不然不
熾於然熾中而無所生悉持愛欲不爲愛欲
之所玷汙學者不學者皆爲已伏不以弟子
解脫而爲竒異入於人身不捨法身於魔界
而現行於法界無所放以慧入於無爲以權
從無爲而還多所分現諸可不可而皆忍之
佛所示現常思樂見法所示現而無狐疑是
爲天子菩薩得無所畏

須真天子經住道品第六

尔時須真天子復問文殊師利菩薩云何得

住於道文殊師利答言天子菩薩說滅貪法
不於滅貪而求其證滅婬怒癡諸愛欲法不
於其中而求其證是故天子菩薩得住於道
復次天子菩薩說空不以空為證說無相不
以無相為證說無願不以無願為證說不會
不以不會為證說無生不以無生為證說無
所起不以無所起為證說無分際不以無分
際為證說離貪不以離貪為證說離所作不
以離所作為證說滅事不以滅事為證是為
菩薩得住於道復次天子菩薩無所施為具
檀波羅蜜不持戒為具尸波羅蜜有瞋恚為
具羸波羅蜜以懈怠為具惟逮波羅蜜喜亂

忘爲具禪波羅蜜志愚癡爲具般若波羅蜜
是故天子菩薩得住於道天子復問文殊師
利何因作是說文殊師利荅言天子有四事
無所施何等爲四一者不捨一切二者不捨
法三者不捨道意四者不捨諸功德是爲四
法不捨爲具檀波羅蜜天子所以持戒用心
未調故心已調便捨戒以捨戒出於冥以出
冥爲以明以捨明爲得等以捨等便得慧以
捨慧便得解脫示現慧天子當知如是是以捨
戒爲具尸波羅蜜天子設是菩薩形此弟子
乘讚歎大乘已讚大乘爲至大乘便具羸提
波羅蜜天子設是菩薩不爲身口意所詭則

爲無懈怠所作如法是爲具惟逮波羅蜜復
次天子設是菩薩若於夢中心不念著兩際
所以者何不樂弟子乘辟支佛乘故已不樂
弟子辟支佛乘爲至大乘已至大乘爲具禪
波羅蜜天子一切法皆癡譬如草木墻壁瓦
石愚癡如是見用久習羸劣癡義是故一切
癡法之本以智慧備於道故便具般若波羅
蜜天子所作已應是爲菩薩得住於道復次天
子菩薩不捨生死迹不求沮洳跡於迹無斷
於迹無作亦無所住其入邪者爲立正道是
爲菩薩得住於道復次天子菩薩索一切人
求一切法亦不得一切人亦不得一切法所以

者何不捨菩薩道故所說至誠而皆有效是
為菩薩得住於道復次天子菩薩知弟子道
無所希望知辟支佛道亦無所希望知菩薩
道具足其根滿諸功德然後乃隨是為菩薩
得住於道復次天子菩薩如生死所作會皆
為之所作果實不受也合會之態不能玷汙
一切功德悉作道願不見有不退轉之道所
以者何悉具足故是為菩薩得住於道復次
天子菩薩於道而求於道而不滅度是為菩
薩得住於道天子復問文殊師利云何於道
而復求道文殊師利荅言天子以生死故名
曰道菩薩求道欲脫一切故一切無所有亦

無所求亦無所不求亦無所有亦無所救亦
無所度天子復問文殊師利一切世間所入
道是菩薩行耶文殊師利荅言如是天子審
如所說一切世間所入則菩薩行也何以故
如此天子行於世間不爲俗法之所玷汙也
墮愛欲現無欲不墮無欲於生死而示現知
一切法不生不起爲無榮真於無榮真而不
求證持五陰六衰離於五陰六衰非我所見
知持五陰六衰者一切而爲說法五陰六衰
空無所有亦不可見已知無所有便逮禪推
務三昧三摩越合以爲一便得意止心便堅
住已得堅住便能遍入一切人心不止爲樂

於魔衆菩薩不爲魔事之所汙不捨於佛界
於魔界隨所作為於法界處而不動還於人界
處施護衆生是爲菩薩精進隨一切世俗之行
須真天子經菩薩行品第七

尔時須真天子復問文殊師利何謂菩薩爲
精進行願爲說之吾等欲聞文殊師利荅言
天子無所行是爲甚清淨所敬之行皆以得
任是菩薩行於諸所有無所缺減於空閑所
作應意以辦意存於道是不忘行心意平等
是施與行心意已調是爲戒行心意已寂是
忍辱行意不懈倦是精進行身意靜默是禪
思行於法界行不著所有是智慧行不爲不

可是慈心行一切不有是大哀行愛欲非我
所爲已空是則喜行廓然無念是則護行不
願天人是寂定行了知衆事是苦智行計陰
如幻知緣起行無默等類是滅知行分部已
滅是道慧行不樂合聚是因慧行了知寂然
是緣慧行於義決律是俱會行無處所義默
無所語是依法行法界無壞是依滅行名色
無所有是依報行如音如響依上義行示現
具好依身慧行身情嚴具依經空行有罪自
悔是依戒行知人心是天眼行罪淨是耳聰
行戒甚淨是知他心行衆罪已畢是宿世行
計三塗等是神足行心得自在是堅強行無

所壞敗是為要行不動不搖是安造行不震
不駭是為等行常念無怙是虛空行觀而悉
知是為幻行莊嚴相是夢行邊福相是炎行
不聚相是影行不會相是響行義波律相是
野馬行荒忽相是空行身分部相是無相行
意分部相是不願行三界分部相是無相逢行
相逢分部相是降伏魔行心意識不有不相
是不斷三寶金剛行一切增益是行之相如
是之心天子菩薩行道之行

須真天子經分別品第八

尔時須真天子復問文殊師利住於道菩薩
其行已過諸聲聞辟支佛上文殊師利荅言

如是天子審如所言菩薩之行實過諸聲聞
辟支佛上何以故亦無信證亦不持法亦
不八等亦不須陀洹亦不斯陀含亦不阿那
含亦不阿羅漢亦不辟支佛亦不多陀竭亦
不三耶三佛亦不世多羅如是天子若不知
此不計是菩薩為菩薩也亦不俗法亦不婬
法亦不怒法亦不癡法亦不生死法亦不淫
洹法若不如此不計是菩薩為菩薩也天子
復問文殊師利云何如此何因菩薩而得信
證至洹洹法文殊師利答言天子菩薩了信
諸法一切遠離於欲無著不信於餘道所以
者何信六波羅蜜道故信已便持所可縛著者

而度脫之常求未然之慧於生死亦不懼於
泥洹無所畏是故菩薩得持信要天子復問
文殊師利云何菩薩得持法要文殊師利答
言天子菩薩一切諸佛所說法教皆悉持之
不甘世味以法為飲食立於法識不住愛欲
則得法力不為俗力得法義不向俗義得法
尊不為俗尊得依怙法不怙於人說中正法
不說非法法住法處不處非法以法徹見審
無弊礙悉知諸法得陀隣尸諦識不忘以七
珍事於寶具足倚一切法便得住於自在之
法是故天子菩薩得持法要

須真天子復問文殊師利云何菩薩得是八

事文殊師利荅言天子菩薩出於八邪以淨
功德得八直行滿於所願便得入道一切世
人在八難處皆悉住之於無難處為得男子
八覺之念常願道意而不放捨便得八惟務
禪是故菩薩得是八事

天子復問文殊師利云何菩薩得入須陀洹
文殊師利荅言天子菩薩視一切人皆如墮
海隨水下流有多力者逆水上行斷生死流
不毀其本行而等斷於三惡之道一切使得安
隱之處遠離於猶豫諦住佛法滅過於凡人跡
樂立佛法迹了生死際便向涅槃門於諸世界
第一之厚常立於人志涅槃行使人向道得

會道場審現教授遠離生死在有爲中示現
無爲而嗟嘆之等樂於阿惟越致是故菩薩
得入須陀洹

天子復問文殊師利云何菩薩得入斯陀含
文殊師利答言天子菩薩知一切當來未然
之法來入生死中護於一切而爲說法令至
無爲不見有法至無爲者亦不見來亦不見
往雖示現來而無愛欲去則畢於所作來則
不違於本要來則不隨於魔教來則到於道
場來便持諸佛教而示現依怙諸法來護一
切令度生死淵以得堅強神通之道無能壞
者是故菩薩得入斯陀含

天子復問文殊師利云何菩薩得入阿那含
文殊師利答言天子菩薩一切所見而不復
還不隨諸陰得不墮諸顛倒於是不復還亦不
來亦不去於是不復還亦不從非法之教亦
無所畏亦無貪婬亦無瞋恚亦無愚癡不復
還所作事常勝具滿於佛法去來功德等而
無異一切所作已畢無貪爲已受決所可造
而不起所不自在者以慧而度之黠不從他
人待是故菩薩得入阿那含

天子復問文殊師利云何菩薩得入阿羅漢
文殊師利答言天子菩薩悉棄所有降伏貪
欲而爲一切說法諸瞋恚者而降伏之以法

教授使除惡態伏諸愚癡以法而化已得空
聚悉見諸法不捨一切精進於諸佛法心不
樂於世間一切合會皆無有常於供養中常
為之最譬如蓮華不著泥水無我無持亦無
所有等持諸法常念為之以慧分別空隨人
所樂而立其志宿命所願皆以滿足意之堅
住不隨他人教諸語之好惡一切無所受歡喜
而得決以決轉度一切是故菩薩得入阿羅漢
天子復問文殊師利云何菩薩得入聲聞文
殊師利荅言天子菩薩一切所不聞法而為
說之是為聲聞於聲聞乘而無有信於諸著
法以不生不起法界使未聞者聞緣諸因緣

者以無我無人使習聞之於空法教不限佛
法其所作法譬如虛空造諸法要聞常精進
無所罣礙從他聞法不受行自是於禪不從
他教去來現在所有音聲悉曉知之以斷所
作不可盡已爲德具足復得無盡譬喻法儀
悉知一切人意所行以慧示現而導利之隨
其所欲而爲說法令到其處而不貢高常行
本願是故菩薩得入聲聞

天子復問文殊師利云何菩薩得入辟支佛
文殊師利答言天子菩薩得因緣方便知諸
法無我無人無壽無命無有主如自在飾者
偽而無實無所屬其因緣相譬亦如是諦見

諸因緣以道爲飲食於法律而不捨是諸破
羅蜜之侶一切道證則法之侶於四恩事而
無貢高是神通之侶知因緣法而不斷著不
信餘業得平等覺道信見知處不以爲異意
而不隨壞敗小乘功德爲立大乘以因緣行
一切諸法是故菩薩得入辟支佛

天子復問文殊師利云何菩薩得至於佛文
殊師利荅言天子菩薩悉覺知一切法本皆
空寂覺知一切本無所有覺知諸行於惡處
人中天上意悉遠離衆所安樂所以者何悉
曉了諸慧故自意覺智慧知諸欲空自身
亦空以一時念則覺道次不爲餘轉便現無

數若干之事是故菩薩得至於佛

天子復問文殊師利云何菩薩得至多陀竭
文殊師利答言天子菩薩以如來道來如者
為諦無一遺忘如者為造立如者為施與如
者為戒如者為忍辱如者為精進如者為一
心如者為智慧如者為善權如者為慧如者
為人亦不人現立為人習斷生死行於諸行
中等出其上度恐懼者至於彼岸所度無彼
亦不在彼至於此亦不在此用本淨故過於
二處遠離於真平等見明於真無真而度於
真如來從壞散垢穢使歸於空是故菩薩得
至多陀竭

天子復問文殊師利云何菩薩得至訶迦波
壞生死處文殊師利答言天子菩薩破壞愛
欲得度三界生死之處於有處示現無處凡
一切人皆擔重擔降壞魔衆於諸處所樂喜
者者皆遠離之今放重擔絕離其處遍見所
生善惡衆處以去所處樂捨貪婬以柔輭心
用定身意定於戒智悉見惡處離而不著悉
入諸身知一切態正生死處導利福施廣設
橋梁常樂供養滿覆三處未曾厭廢爲三界
人之所戴仰是故菩薩得至訶迦波
天子復問文殊師利云何菩薩得至三耶三
佛平等覺文殊師利答言天子菩薩心於五

逆若於正道其意平等是故無不等覺等於
所見及四顛倒等於陰蓋諸所覆蔽於道無
異是故無不等覺等婬怒癡及於諸欲亦等
於道是故無不等覺於凡夫法習法不習法
辟支佛法菩薩法悉等於道是故無不等覺
是故菩薩得至三耶三佛

天子復問文殊師利云何菩薩得至世多羅
世尊文殊師利荅言天子菩薩教戒世人使
得功德瞋恚不生聞法教者則皆奉持教非
法教爲轉法輪甘教慈教三千世界教爲一
切世尊教爲受一切自歸爲一切作燈明爲
一切明中最明爲一切作寂然之寂令一切

人無有思想滅而不熾爲一切人解諸狐疑
狐疑諸難皆爲以斷爲一切人長益功德爲
轉輪王四天王釋梵之所禮爲愚所輕不以
恚恨爲智所歎不以歡喜心恒平等常若虛
空卅尊爲最等於卅間是故菩薩得至卅多
羅天子復問文殊師利云何菩薩得入鉢盂
禪陀嵐凡人法文殊師利荅言天子菩薩一
切人民所行以善權示現一切凡人行而知
之無所著是故菩薩得入凡人法
天子復問文殊師利云何菩薩得入勒迦陀
嵐貪婬法文殊師利荅言天子菩薩常愁悲
欲得佛法常貪樂成身如如來身慈向一

切而無恚怒是故菩薩得入貪婬法

天子復問文殊師利云何菩薩得入罽陀嵐
瞋恚法文殊師利答言天子菩薩於一事中
見十八事於聲聞辟支佛乘譬如怨家不勸
發人使起是業於有爲中而現愛欲於愛欲
中心無所著所以者何欲養一切故是故菩
薩得入瞋恚法

天子復問文殊師利云何菩薩得入稽訑陀
嵐愚癡法文殊師利答言天子無所識知是
名曰癡於無識習習等定法亦不知亦不曉
亦不喘亦不息亦不作亦不壞是故菩薩得
入愚癡法

天子復問文殊師利云何菩薩得入僧薩陀
嵐生死法文殊師利荅言天子菩薩於生死
而不動所以者何求佛道故堅住不動一切
衆魔不能得便一切諸行得無所著等於生
死亦等佛法於小道而不樂於大道而等見
不動亦不轉是故菩薩得入生死法

天子復問文殊師利云何菩薩得入泥洹陀
嵐滅度法文殊師利荅言天子菩薩隨諸習
俗現泥洹道知一切法習而滅之於泥洹行
不般泥洹於泥曰行不永泥曰是故菩薩得
入滅度法

須真天子經頌偈品第九

須真天子復問文殊師利童子云何菩薩得
持權慧自在在所入隨俗教化尔時文殊師利
便為天子歌頌偈言

心於欲無所著
意所習眼悉見
令一切皆發意

心於道無所捨
一切人亦無人
悉已淨諸空寂
悉合聚一切人
以道德成熟之
身本空亦如是

常志求無上道
以是故智慧相
常使願於此道
如是者善權相
智慧者曉了是
以是故智慧相
諸受身有著者
如是者善權相
於本無無所見

猗三場為已淨
諸所有悉惠施
為一切立所願
樂清淨於寂默
身口意亦俱寂
自身戒悉已備
佛亦皆從戒成
無吾我而得忍
身口意無缺漏
亦不身口所說
一切法皆寂靜
常忍於一切人

以是故智慧相
頭目身及珍寶
如是者善權相
不於戒自貢高
以是故智慧相
亦勸讚持戒者
如是者善權相
一切人亦皆空
以是故智慧相
心於是不起亂
如是者善權相
若罵詈加捶杖

愍一切護不捨
悉了信一切福
常審行於道軌
常等行於三昧
於習著而不爲
所樂禪皆棄捐
欲愍導一切故
不在此不在彼
所不可見便離
常於空無馱足
便哀護一切人
無想法乃見佛

以是故智慧相
皆勸勉一切人
如是者善權相
皆悉滅於愛欲
以是故智慧相
於城郭而現行
如是者善權相
已止住於中間
以是故智慧相
如是者爲曉空
如是者善權相
等視之如虛空

於色像無所住
已供養万億佛
悉已得佛相好
法淨無婬欲塵
如此說無所持
於法界爲已住
於是而不动搖
一切人無能知
察視之本端空
無所生亦不滅
亦不去無從來
所在生常安隱

以是故智慧相
爲一切供尊雄
如是者善權相
平等視如虛空
以是故智慧相
所造立常究竟
如是者善權相
其法義亦皆如
以是故智慧相
悉曉知一切法
如是者善權相
於五陰無色欲

常悉護於一切
常習在於空閑
常奉修禪三昧
於丘聚及城郭
所說法無猷極
於三世無恐懼
自調身根以寂
於大眾心等定
悉現身於其中
悉已行無礙慧
如空等無所語
於欲縛現其中

以是故智慧相
無我法不造立
如是者善權相
柔軟音以教授
以是故智慧相
於苦樂無所住
如是者善權相
於憂感意亦介
如是者善權相
常不住於名字
以是故智慧相
法教授於人民

常讚歎於三寶
於神通行功德
自處中不高卑
神通具飛變化
悉供養巨億佛
視陰蓋譬如幻
便得滅諸魔衆
於諸魔而示現
於其中度一切
常親近度脫門
願施於所當施
於瞋恚無怒害

如是者善權相
常調心寂三昧
以是故智慧相
便去到億刹土
如是者善權相
於愛欲無色著
以是故智慧相
示現已便捨離
如是者善權相
便得空無思想
以是故智慧相
不愚癡慧之聚

無長益我 不生
所當作 悉已辦
悉過諸 波羅蜜
雖現於 貪欲癡
用是護 於一切
得平等 若泥洹
已降伏 於三界
於是世 生死聚
所作福 無馱足
因八直 而空寂
智慧及 權方便
行善權 智慧俱

如是者 善權相
常奉行 於衆慧
以是故 智慧相
喻忤之 非黠根
如是者 善權相
便能滅 於藁聚
以是故 智慧相
一切人 是朋友
如是者 善權相
是則爲 菩薩慧
順此乘 得世雄
亦不生 亦不有

智慧與善權相

智慧及善權慧

如兩牛共一轡

須真天子經道類品第十

須真天子復問文殊師利童子道爲何等類

文殊師利答言天子我所處是道類天子復

問文殊師利何所處是道處文殊師利答言天


子寂靜是道處天子復問文殊師利何所是

道之相文殊師利答言天子虛空是道相天

子復問文殊師利道何所住止而爲道文殊

師利答言天子住止於空是則爲道天子復

問文殊師利道誰之所立文殊師利答言天



至德黠無貢高
常相隨與併行
覺法田無有上

子道從諸法立天子復問文殊師利何所是
道之本又文殊師利答言天子平等則道之本
天子復問文殊師利法何所持而爲道文殊師
利答言天子持無我無人是故爲道天子復問
文殊師利何所而與道等文殊師利答言天
子無所生無所起則與道等天子復問文殊
師利道去至何所文殊師利答言天子道去
至一切人心諸所行中所以者何無所行亦
無所至天子復問文殊師利道何所出生文殊
師利答言天子大哀則道所出生天子復問文
殊師利云何大哀是道之所生文殊師利答
言天子度脫一切是則大哀道之所生天子

復問文殊師利道從何求文殊師利答言天子道從一切愛欲中求天子復問文殊師利云何愛欲而能出道文殊師利答言天子淨八直行是欲道天子復問文殊師利云何八直行與愛欲俱耶文殊師利答言天子八道與愛欲俱卿將讚道之淨乎姪怒癡盡是故道如行愛欲行道亦尔天子復問文殊師利於此行中何所為作而與道合文殊師利答言天子於此行中亦不得愛欲亦不得所行得合於道天子復問文殊師利何所是菩薩行文殊師利答言六十二見四顛倒五

陰蓋一切無功德輩是菩薩行天子復問文殊師利是事云何文殊師利荅言天子菩薩以善權方便廣隨所入欲救一切一切所求唯因諸見愛欲四顛倒中求所以者何一切從是中生故於此求索一切不可得見亦不見所見愛欲亦不可見四顛倒亦不可見亦非一切亦非不一切所以者何護脫一切故如是天子當作是知菩薩道於愛欲中求天子復問文殊師利菩薩不從三脫門而求道耶文殊師利荅言天子不可從空而成道亦不可於無相亦不可於無願而成道也所以者何於是中無心意識念亦無動故有心意

識念動者乃成其道天子復問文殊師利何
所施行而名爲道文殊師利荅言天子愚癡
與道等道與愚癡等施行是等則名曰道等
於直見等於邪見等於直念等於邪念等於
直語等於邪語等於直治等於邪治等於直
業等於邪業等於直方便等於邪方便等於
直意等於邪意等於直定等於邪定等天子
復問文殊師利云何直見與邪見等文殊師
利荅言天子等於虛空等於寂靜天子復問
文殊師利空與寂靜有何差特文殊師利荅
言天子虛無等虛空等是寧有異不也天子
報文殊師利言虛無等虛空等實無有異也

文殊師利答言如是天子空寂適等亦復無異天子復問文殊師利云何所說等而復有稱譽讚嘆之差特耶文殊師利答言天子無思想因所作而自貢高便有異而致稱譽讚嘆設使無思想因所作而自貢高解知是義相者是無有異也譬如天子万川四流各自有名盡歸于海合為一味所以者何無有異故也如是天子不曉了法界者便呼有異曉了法界者便見而無異也天子復問文殊師利法界乎寧可得見知不也文殊師利答言天子法界不可得見知也所以者何揔合聚一切諸法故於法界而不相知於是法界而等念得三世之慧

是則法界之處棄捐煩亂猶豫之心是則知
處所亂語者終不受之則知其處譬若天
子於無色像悉見諸色是色亦無等如虛空
也如是天子於法界爲甚清淨而無瑕穢如
明鏡見其面像菩薩悉見一切諸法如是諸
法及於法界等淨如空天子復問文殊師利
云何菩薩得辯才慧文殊師利荅言天子菩
薩以空身慧而無所斷於諸所見自現其身
爲一切人說無常法令離是身是故菩薩得辯
才之慧知所有空於一切皆無所有天子復
問文殊師利云何菩薩得分別諸法文殊師利
荅言天子知空寂於有身無身而不作異是故

菩薩得分別諸法天子復問文殊師利云何
菩薩得爲導師文殊師利答言天子菩薩法
亦不住亦不住是故天子菩薩得爲導師天
子復問文殊師利云何菩薩得知一事了無數
事文殊師利答言天子菩薩於無思想而無動
搖是故菩薩得知一事了無數事天子復問
文殊師利菩薩寧能有要現入三品不何等
爲三等於正要入於不要入於邪要文殊師
利答言天子菩薩於正要入佛法於不要入
聲聞辟支佛地於邪要入度一切天子復問
文殊師利菩薩寧有住於閑復住於據不文
殊師利答言天子菩薩有閑務天子復問何

以正介何故得入於懷荅曰以諸懷故而任
示現育養衆生而令得閑所以者何瞻視一
切故天子聲聞解脫自爲身故所以者何是
爲得閑菩薩不於是中而示現復次有懷者
皆未得道菩薩而往示現天子復問文殊師
利仁者今得閑耶而得懷乎文殊師利荅言

吾亦不懷亦復不閑天子復問文殊師利何
故如是乎文殊師利荅言天子吾未有所至
亦無所得不閑於閑亦不須臾亦不一時以
生死爲拘天子復問文殊師利說是法言爲
降伏魔場已文殊師利荅言實尔天子如仁
所去說是法言爲降伏魔場何以故尔天子如

是法言不識五陰亦不於愛欲有所棄亦不
於解脫有所起亦不近於解脫降伏於異道
何以故尔天子一切異道行不在其中為堅
立法英所以者何無冥皆悉明故為轉法輪
為斷一切諸所見已天子復問文殊師利說
是法言為有幾人得知法世文殊師利荅言
天子無世為不冥是則法世之所作天子復
問文殊師利世人間是法言而得解脫甚哉
難值文殊師利荅言天子其不厭於世縛者
乃信是法無不解脫天子復問文殊師利厭
於世縛為何所是文殊師利荅言遠婬怒癡
棄於愛欲覺知苦者而欲求脫是則厭於世

間縛天子復問文殊師利誰復不厭世間縛者
文殊師利答言天子等於姪怒癡等於愛欲等
於解脫是故不厭世間縛於是衆會聞說法
言莫不踊躍皆得歡喜尔時雨於天華及栴檀
香諸天亦復持衣裊盛華香散於佛上及文殊
師利上鼓樂絃歌來供養佛億百千諸天以柔
輒聲讚歎於佛復於虛空奮振衣服喜躍加
倍僥倖乃聞是法尔時衆會一切人民見是
變化皆以華香及與衣服散於世尊及文殊
師利童子便說是言世尊聞是法言而不
信解者爲不值見佛云是法言非佛所說者
爲非除鬚髮及持大戒者亦不諷誦復不信

樂亦非沙門婆羅門而不隨是是輩無四德亦
無名字所以者何用恐畏故聞是有信菩薩
摩訶薩最上菩薩種種功德者爲盡生死底
斷絕諸惡道於過去當來今現在佛世尊所
得持是法而堅任聞是法因是皆當解脫有
受持諷誦讀廣爲一切解說其義者是爲持戒
清淨而完具是爲值見佛是爲轉法輪是爲
沙門是爲婆羅門是爲除鬚髮是爲受大戒
是爲有所得是爲有名字

尔時世尊於衆會中讚言善哉善哉於是佛
語弥勒言受持是法當諷誦讀廣爲一切說
之說是經時十二那術人衆遠塵離垢諸

法法眼生八千比丘漏盡意解三万菩薩發
阿耨多羅三耶三菩心五萬菩薩得無所從
生法忍佛語弥勒仁者得佛時一切菩薩及
諸會者皆當逮得奉持是法其聞受持是深
經者弥勒皆當授與其決尔時世尊語賢者
阿難書持諷受是法言品廣爲一切說之阿
難白佛言唯受持之阿難問佛是名何經云
何奉行佛言是經名須真天子所問是名文殊
師利童子所報是名斷一切諸法狐疑是名
一切諸佛法普入方便慧分別照明教授之
持當持審持持而諦持說是法言時三千大
千不可計刹土六反震動佛說經已文殊師

利童子須真天子彌勒菩薩等賢者阿難及
衆會諸天人民捷杳和阿須輪民皆大歡喜
前爲佛作禮而去

須真天子經卷下

改

然滅下尺志 羸劣上力垂 希望
虛解上 蔽礙上必淵 烏懸
反驚也 祭反 淵烏懸
反蒲北 鉢漱下正 逮

下音 態他代反 玷汚上音 靜廓上音 駭

音 嵐郎舍對 務莫候喘 所著下俗

軌俱水反 棄捐下音 忤誤音 轡音隔 正作 孺

懷渠其也 械衣古襟 反 僥倖音上 幸非理 所

也得 杳上徒合 怨別上 誼去 去音 和

也

